



Ed Sheeran nem MBE
tetushi agütsütsü

Ram Nath Kovind-i Tir mapa
junga inyaktettsü: PM Modi

Angh Acharya-i Rajnath Singh aser R.N Ravi na den ajurutep

Dimapur, June 19 (TYO): June 18, 2017 nü Nagaland House, New Delhi nung Nagaland Angh, P.B. Acharya-i Naga yimjung olemtep atema GOI interlocutor R.N. Ravi den ajurutepa Naga yimten tebilemstü dak sendakba onüktem lemsatep.

Angh Acharya-isa June 19, 2017 nü Union Home Minister, Rajnath Singh den ajurutep aser iba mapang R.N. Ravi dena liasü, ta PRO to Governor-i sangdong ka nung metetdaksü.

Mapang talangka Naga nunger dak sendakba onüktem bentettsü atema sendaktepa alirtem ajak longjemtsüla ta senden nung jembi.

Telungpur teloktemi tashiyim agi sen meshiba aser talisa iba khuret ajanga Dimapur aser Kohima tsungda 4 lane mapa inyakba contractor temi mapa

anentsüsa akümba indang onük atema Angh-i tebilemstü bena lemsatep.

Gari lenmang yangluba metenzükra, iba mapatong nung tamakok tulu alutsü, kechiyong tzungluru mapang tongogo aser lenmang mejungra, tang nungdakba chiyungtsü aser osettem dena mebentettsüsa tensa ajurutsü, ta Acharya-isa ashi.

Senden nung Home Minister Rajnath-i onüktem ajak kanga süoki ia agizük aser paia tebilemstü abenba metetdaksü, ta PRO to Governor sangdong nungsa shia lir.

Nagaland Angh, P.B. Acharya-i Delhi nung anogo asemnü official tour senzüba sülen June 20, 2017 nü state yimtibai meyipa arutsü, ta sangdong nungsa shisem.

Nagaland PWD (NH)-i Dimapur gari lenmang indang osang jangjashitsür

Dimapur, June 19 (TYO): June 18, 2017 osangkakettem nung Dimapur nung gari lenmang majungba atema Chief Minister-i mapa inyaksüla ta WSSU-i sangdongba atema Nagaland PWD (National Highways)-i tanü telangzüba ka agütsü.

Nagaland PWD (NH)-i sangdong ka nung ashiba agi, Nagaland Gate (Golaghat Road) nungi Patkai Bridge (Tragopan Jn- Zion Hospital Jn- Purana Bazar-Chumukedima adena) Dimapur (NH-29 & NH-129) City portion yanglutsü atema Ministry of Road Transport & Highways' (MORTH)-i sen lemmzüksüogo.

Iba mapa ya Engineering

Procurement and Construction (EPC) Mode nung inyaktüsü atema State PWD (NH) nem lemmzüksü aser iba asoshi department-i National Bids meshia liasü. Taruba anogo ishika tsungda MORTH nungi Tender Bids shimba aser sen lemmzüksüba osang metetdaksü imlar, ta sangdong nung ashi.

Ministry nungi iba osang aruba sülen State PWD-i iba gari lenmang ya BRO ket nungi meshizüksü aser mapa inyak tenzüksü. Anungji, nisung ajaki temalen shia aliba onüktem nung ajemdaker, mapa metenzük tashi aremzüka atatsü mepishir, ta State PWD (NH)-i sangdong nungsa metetdaksü.

Tasü mang ka angu

Kohima, June 19 (TYO): Deobar aonung Kohima Police-i Naga Heritage Village, Kisama nung tasü mang ka angu.

Osang ka ajanga ashiba agi, tasü sangji arishi küm 76 tain Shurho Solo liasü aser pa tekolak nung zübo keta liasü. Pa indang mangji Garo Morung, Kisama nung lia angu.

Yasung 8:30 ako meta police-i tasü mangji angu aser iba dak sendakba nung ken o ka benokogo aser bushisung dang ka tenzükogo, ta police-i ashi.

NDA-i Tir candidate atema Ram Nath Kovind shim Opposition-i June 22, 2017 nü telemtetba agitsü



Hombarnü New Delhi nung Bihar Angh aser National Democratic Alliance (NDA) indang presidential candidate Ram Nath Kovind-i Prime Minister Narendra Modi aser Bharatiya Janata Party (BJP) National President Amit Shah na den ajurutepdang agiba noksa ka angur. (New Delhi, June 19)

New Delhi, June 19 (Agencies): Hombarnü NDA presidential candidate asütsü atema shimba sülen Ram Nath Kovind-i yimtenren telok ajaki pa pusema nungitsü imlar ta ashi.

Tanü BJP tir Amit Shah-i, India Tir inyaktüsü atema BJP-i aniba NDA-i Bihar angh Ram Nath Kovind shimer, ta osang metetdaksü.

BJP Parliamentary board senden ka amenba sülen Amit Shah-i, "Onoki tatong tir atemabo kecha mejembi" ta ashi.

Ram Nath Kovind ji aluyimer ka jabaso lir aser pai taküm piyong public service aser sensakertem atema inyaka arur, ta paisa shisem.

PM Modi-i Congress lennir Sonia Gandhi aser taoba Prime

Minister Manmohan Singh na den NDA-i shimba nübo indang osang lemsatepogo aser tang parnok (Congress aser tangartem) sasep nung jembi telemtetba ka agitsü, ta BJP tirisa metetdaksü.

Tanü Bihar Angh, Kovind-i Patna nungi New Delhi-i aruba sülen osangbener den jembidang, "Yimtenren telok balala nungi MP aser MLA tem, shirnok electoral college nung zungsemtem lir, ni parnok ajak dang ni yaritsü mepishir. Ni parnok den ajuruteptsü aser teyari meshitsü" ta ashi.

Bihar Chief Minister Nitish Kumar-ia pa pusema nungitsü nangzük asü masü ta asungdang dang, Kovind-i "pai kü den phone ajanga jembiogo"

ta langzü.

"Ni Bihar nung Angh inyaker aser ni Tir candidate shimba osang angazükba sülen, Nitishji-i kü den phone ajanga jembi" ta paisa ashi.

Opposition-i pa anema tokteptsü atema candidate ka shimtsü asü ta asungdang dang, "India nung senso ajaki ni pusema nungiter aser moatsür ta ni bilemer" ta Kovind-isa langzü.

Prime Minister Narendra Modi aser BJP-i pa dak temulung alemba aser iba tebilemstü khuret tulu agütsüba atema pelar, ta paisa shisem.

Tanü Delhi airport tonga arudang Thawar Chand Gehlot, JP Nadda, Bhupendra Yadav, Kailash Vijayvargiya aser Manoj Tiwary nungertemi anir union minister tem aser BJP lennirtemi Kovind pela agizük.

NDA sorkari Tir candidate atema Ram Nath Kovind shimba osang sangdongba sülen, ghonda ishika lir Opposition-i June 22, 2017 anogo nungang parnok tebilemba metetdaksütsü ta ashi.

"Onok June 22 nü ajuruteptsü aser iba sülen jiang onoki lemmtetba sangdongtsü" ta West Bengal Chief Minister Mamata Banerjee-i ashi.

Mamata-i Kovind shimba atema kecha balaka mashi, saka pa mapang ka BJP indang Dalit Morcha nung lennir asüba agi Tir candidate shim, ta metetdaksü.

(Maneni tapak 11 nung...)

TGOUN Chancellor, TN Manen-i kaket ka sayatsü

Dimapur, June 19 (TYO): Hombarnü TGOUN Chancellor, T N Manen, IAS (Retd)-i "Microbial resources of Indo-Myanmar (Burma) hot spot region" ta ser kaket ka sayatsüogo.

Iba kaket ya Controller of Exams, The Global Open University Nagaland (TGOUN), Professor N. Irabanta Singh-i bendena züluba lir aser TGOUN indang conference hall nung saya.

Iba kaket ya asenok aliba

tesem dak tongti süa ajemdaker züluba lir aser iba kaket nung asenoki tenük agi anguba 'resources' dang masü saka tenük agi manguba 'resources' indang temetettsütem keta lir, ta TN Manen-i kaket sayatsüdag ashi.

Maneni kaketzüluri lanuputu ajangzüksü atema iba mesükba kakettem zülutsü imlar, ta paisa ashi.

Prof. Singh-ia o jembidang ashiba agi, Indo-Myanmar tesem nung nisung tapu balala aika alir aser asenoki mangba ajanga asen

arem-min aser ali rongsentem samar.

Indo-Myanmar hot spot nung 'microbial resources' indang mapatem atema pai kaket ka adoktsü atema North East India nungi life science scientists, agricultural scientist amala dang nungi research papers meshi, ta paisa metetdaksü.

Sentong nung tetushi süa jaoker Registrar cum Director, TGOUN, Dr. Imotemsu Ao aser Vice Chancellor, TGOUN Dr. H N Dutta natia o jembi.

Dimapur nung sen lakh 60 alang yi raksa endok

Dimapur, June 19 (TYO): Hombarnü Dimapur kübok DMC dumping ground nung sen lakh 60 dak tema alang Indian Made Foreign Liquor (IMFL) raksa endokogo.

Chief Judicial Magistrate, Dimapur, Ajongba Imchen, district administration, police, Naga women hoho aser GB tem matsung dang yiji raksa endok.

Taoba ita 3rd mile, Dimapur nung Assam Rifles aser Diphupar police nati garage ka nungi yi tapu balala case 1770 nguteta liasü. Iba yi kiburjibo ano meputet lir aser tanü yiji raksa endok.

Sentong nung Dimapur Naga Women Hoho, tir Arenla Aier-i ashiba agi, yi raksa endokbaji tejak meiba mapa ka dang lir,

kechiyong asen kidanger state-Assam nungi yi talubosa belener.

Inter-state check gate tem nung ketdangsertemi pei lemmzükba mapa timi inyak nung dang, asen state nung yi talubosa anguba ya nokdangtettsü. Yi pur yamai raksa endokba agibo menokdangtettsü, ta laisa shisem.

**NÜ VOTE AGI NAI
AGINÜBA AMA NÜ
TAKÜM
YANGLÜTSÜSA
NÜ NEM TASHI
AGÜTSÜR**



Mkg district kübok Sub-division balala nung CFR Training agidar



Mokokchung, June 19, 2017: Hombarnü Chuchu town aser Kobulong nung Community First Responder Training (CFR) training nung adenertem, ketdangsertem aser training agütsürtem külemi tangokba noksa nung angur.

Mokokchung, June 19 (TYO): Hombarnü Mokokchung district kübok sub-division tenet nung Community First Responder Training (CFR) training kanga takok ngua tenzükogo, ta ketdangsertem osang ka ajanga metetdaksü.

Iba sentong ya District Disaster Management Authority (DDMA) Mokokchung den Civil Defense & Home Guard-i senteper ayongzük.

Iba training ya June 23, 2017 nü tembangtsü. Tanü Miss Mokokchung 2016, Kr. Sunepmenla aser DDMA Mokokchung Brand Ambassador aser Runner-up Oienla Jami na den DDMA ketdangsertemia CFR training agiba sub-division tem sendanga liasü.

Brand Ambassador-ia shilem agirtem dang alima lendong balala atalokdang item lendong nungi kümzüka alitsü atema tesayuba kar agütsü.

Kobulong, Chuchu Town, Tuli, Changtongya aser Mokokchung nungi osang ajanga ashiba agi, iba training kanga junga tenzükotetogo.

Ano District Disaster Management Officer Mokokchung, T Wangshi Jamir-ia, training agir nisung noklang aika nem SDRF personals-i training agütsüdar, aser parnok den peipei sub-divisions nungi ToTs-i yaritepdar, ta metetdaksü.

Dimapur nung Yoga jangrartem jaoker

Dimapur, June 19 (TYO): Hombarnü Hindustan Scouts & Guides, Dimapur-i sangdong ka ajanga, school balala nungi Yoga jangrartem aser nüburtem International Yoga Day anogomung, June

21, 2017 anepdang 6:00 nungi 7:00 ako tashi Herbert Spencer School ground, Walford nung ayongzükba sentong nung adentsü atema Hindustan Scouts & Guides-i jaoker, ta metetdaksü.

Tesem tonga arutsü mapangji anepdang 5:30 nungi 5:50 ako tsüngda asütsü, iba den külemi pakti mesüra sü talemtsü bener arutsüla, ta parnokisa metetdaksü.

Noklak nung June ita atema SDPDB senden amen

Dimapur, June 19 (TYO): June ita atema Noklak SDPDB senden June 15, 2017 nü menogo; ADC & Vice Chairman SDPDB, Noklak, Thsuvisie Phoji leniba nung iba senden mena liasü.

Board senden tenzüka Chairman-i züngsem ajak pelaa agizükba sülen Noklak nung SDEO tasenba, T. Marungba tejak shioja liasü.

Senden nung Board-i Panso Area Village, VCC aser Head GB-i Panso, EAC Headquarter

nungi SDO (C) Headquarter jenjangi ajungkettsü mepishiba onük nung o lemtep, aser kasaji tim ketdangser matsüngdang benoktsü lemteta liasü.

Senior Medical Officer, Noklak-i Sub-Centre Pang village nungi Primary Health Centre jenjangi ajungkettsü atema mepishiba onük nung o lemtepba sülen ibaji temaba ketdangsertem matsüngdang benoktsü Board-i lemteta liasü.

Minister aser Parliamentary Secretary-i benokba 56 & 57

Assembly Constitution dak sendakba LADP 2017-18 scheme-a tim department dangi benoktsü atema agizüka liasü.

Iba dak alia senden nungsa Pathso Village Council Club renew asütsü atema sorkar matsüngdang benoktsü asoshi lemteta liasü.

Board-i Medical Department, Noklak dang taruba SDPDB senden nung parnok indang department mapatem indang osang metetdaksütsü nunglokttsü.

GOVERNMENT OF NAGALAND
DIRECTORATE OF EMPLOYMENT, SKILL DEVELOPMENT & ENTREPRENEURSHIP
NAGALAND, KOHIMA
CORRIGENDUM
ADVERTISEMENT Dated Kohima the June, 2017

NO.DET-2/14/2001 (pt.1): In partial modification to the Advertisement NO.DET-2/14/2001 (pt.1), the date for walk-in recruitment drive which was inadvertently advertised as 22nd July, 2017 has been changed to 22nd June, 2017. Recruitment drive is for Maruti Suzuki Authorized Dealer Workshop Progressive Motors in Dimapur, Kohima and Mokokchung, Nagaland for the following posts.

| Sl. No | Name of the Post | Eligibility Criteria | Date of Interview | Venue |
|--------|------------------|---|-----------------------------|------------------|
| 1 | Service Advisor | Diploma in Mechanical Engineering/Automobile Engineering/Electrical Engineering/Electronics Engineering | 22 nd June, 2017 | Govt. ITI Kohima |
| 2 | Technician | ITI Certificate in Mechanic Motor vehicle/ Mechanic Diesel | | |
| 3 | Electrician | ITI Certificate in Electrician | | |
| 4 | Welder | ITI Certificate in welder | | |

Interested candidates can report for the walk in interview from 10:00 AM onwards with their CV/resume with 4 latest passport size photographs and educational documents as mentioned in the eligibility criteria.
Note : Candidates with a valid driving license will be preferred.

For information & clarification contact:
1. 9436435548 (State Govt.)
2. 9605282309 (Maruti Suzuki India Ltd.)

Sd/- (MUTHINGNYUBA SANGTAM),
Director
Employment, Skill Development & Entrepreneurship
Nagaland, Kohima

Issued by: DIPR

Mokokchung DC-i sangdonger

Mokokchung, June 19 (TYO): Hombarnü Mokokchung Deputy Commissioner office sangdong ka ajanga, Mokokchung District, Tuli Sub-Division, Additional Deputy Commissioner, Tuli indang Administrative Jurisdiction kübok Wamaken Yimsen Village-i yimtsüng tasen agizüktsü atema benokogo, ta metetdaksü.

Patel-i, iba yimtsüng agizüktsü atema tashishitsü kar danga lira iba sangdong agütsüba anogo nungi tenzüka anogo 30 tsüngda DC, Mokokchung office nem metetdakang, tashishitsü o kecha marura 'No Objection' jenjang agütsütsü aser nungdakba mapatem inyaksü atema sorkar nem agütsütsü, ta metetdaksü.

Iba yim arrtsütemji: North: Kojem-Azung Nallah, South: Rangrang Lenden, East: Mokokchung Deputy Commissioner, Sushil Kumar Kongkiangshi Nallah, West: Lepenyong Nallah lir.

3buba International Yoga Day Kohima nung amungtsü

Kohima, June 19 (TYO): ako tashi Indira Gandhi Stadium, Department of Youth Resources & Sports, Nagaland Kohima-i ayongzükba June 21, 2017 anepdang 7:00 ako nungi 8:00

Kohima nung State Level 3buba International Day of Yoga amungtsü, ta ketdangsertem osang ka ajanga metetdaksü.

MENUNGRA BILEMTETER



Asür Lendongsangla (Aliba)
20/06/2016

Temeim Oja, nai onok toktsür külen küm ka abensar, saka ne mapa tajungtem kodanga mamateter. Ne temeim onok den teti alitsü. Tanü anogo onoki na bilemteta sarasadema amunger.

- Temeim Chirnur, Semchir & Kinüngertem.

OFFICE OF THE CLARK MEMORIAL HIGHER SECONDARY SCHOOL, IMPUR SITUATION VACANT

- Boys Hostel Warden (Male) : 1 Post**
Required Qualification :- A Bachelor Degree in Arts/Science/ Commerce or Theology (B.D or Equivalent) from a recognized University.
* Preference will be given to Theologically trained candidate.
- Accountant Cum Cashier : 1 Post**
Required Qualification:- A Bachelor Degree in Arts/Science/ Commerce or equivalent from a recognised University with Computer skills in office automation.
* Preference will be given to candidates having work experience.
Interested candidate may apply with complete Bio-Data on or before 10th July,2017 addressed to the Principal or to the Education and Literature Secretary ABAM, Impur.

For further details interested candidate may contact :
9436426583 - Principal, CMHSS, Impur

Sd/-
Principal
CMHSS, Impur

Office of the Ungma Senso Telongjem Mokokchung: Nagaland TENÜNGSANG AGÜTSÜR

- Wb. IMTIYAPANG PONGEN S/o Rev Nungshi, pa dak temlung lemteta aser maongka tulu agüja General Secretary Naga Student Federation nung shimba asoshi Ungma Senso Telongjem, Ungmatsür Telongjem aser Suyim Shisaluyimer Telongjem Mokokchung Town ajanga tenüngsang agütsür.
- Wb. SUPONGYATED JAMIR S/o Yashipokba Jamir Jubilee Memorial School (Excel in the Board Examination ISC-XII 2017) nung GRADE -A (90.8%) Top 1 anguba atema Ungma Senso Telongjem, Ungmatsür Telongjem aser Suyim Shisaluyimer Telongjem Mokokchung Town ajanga nü wadang aser tarutsü anogotem nung asen Teyanglur Tsüngremi maneni moajang ta asen Sensosanger ajaki sarasadema atar.

Sd/-
Imtimar Jamir
President
Ungma Senso Telongjem, Mokokchung Town

Sd/-
I.Chuba Imsong
General Secretary

GST 2017 July 1 nungi tenzüksü

**NATION
TAX
MARKET**

GST ajanga kibong nung tepela bener arutsütsü

Saru ka dang agütsüba ajanga ki oset
timba ka nung jenjang tajemba akümtsü

GST @ 5%

- ◆ Sugar ◆ Tea ◆ Roasted Coffee Beans ◆ Edible Oils
- ◆ Skimmed Milk Powder ◆ Milk Food for Babies
- ◆ Packed Paneer ◆ PDS Kerosene ◆ Domestic LPG
- ◆ Fabric ◆ Footwear (upto ₹ 500)
- ◆ Apparels (upto ₹ 1,000) ◆ Cashew Nuts ◆ Raisin
- ◆ Agarbatti ◆ Coal ◆ Coir Mats, Matting and Floor Covering

GST @ 18%

- ◆ Hair Oil ◆ Toothpaste ◆ Soap ◆ Pasta
- ◆ Corn Flakes ◆ Soups ◆ Ice-cream
- ◆ Toiletries ◆ Computers ◆ Printers

GST @ 0%

- ◆ Unpacked Foodgrains ◆ Gur ◆ Milk ◆ Eggs ◆ Curd
- ◆ Lassi ◆ Unpacked Paneer ◆ Unbranded Natural Honey
- ◆ Fresh Vegetables ◆ Unbranded Atta ◆ Unbranded Maida
- ◆ Unbranded Besan ◆ Prasad ◆ Palmyra Jaggery
- ◆ Salt ◆ Kajal ◆ Phool Bhari Jhadoo ◆ Children's Drawing and Colouring Books ◆ Education Services ◆ Health Services

GST @ 12%

- ◆ Butter ◆ Ghee ◆ Almonds
- ◆ Fruit Juice ◆ Packed Coconut Water
- ◆ Preparations of Vegetables, Fruits Nuts or other parts of Plants including Pickle Murabba, Chutney, Jam, Jelly
- ◆ Umbrella ◆ Mobiles

Osettsüset/chiyungtsü shilem 81 bo GST saru shilem 18 tekübok asütsü



TIR YIMYIM YIMOBILEM (EDITORIAL)

DIMAPUR TUESDAY, JUNE 20, 2017

Nepali nunger lima

Nepal nung dang masü saka India nunga West Bengal state kübok Darjeeling, Dooars, Siliguru aser Kalimpong ta ajaba tesemtem ya Nepali nunger lima lir. Ajisüaka, parnoki aginüba ama India nungsa süaka state balaka mekümtetba ajanga tanga Darjeeling aser Kalimpong nungbo Gorkha Janmukti Morcha (GJM) teloki anir Gorkhland state meshia longkak aitba agi nisung anabo süogo aser tensa kanga mejungi lir. West Bengal nung alir Nepali nungertemi parnok temeja aliba tesemtem agi Gorkhland state kümner, kechiyong parnok ya Bengali nunger masü, anungji tereprangtsü, achiajem, oshiooben aser sobaliba balala lir. Atangji, India nung alir Nepali nungertemi parnok asoshi yimten sabang balaka meshiba ya tanü tasen masü. 1907 küm Nepali nungertemi akümba Hillmen's Association of Darjeeling teloki Minto-Morley Reforms committee nem Darjeeling ya yimten balaka ser linüba tejangraba metetdaksü. Iba sülen 1917 küm kasa teloki Bengal government nem Darjeeling aser Jalpaiguri district na ya külem ser yimten balaka kübok yutsütsüla ta takangba ka agütsü. Iba sülen 1929 küm kasa Hillmen's Association telokisa Simon Commission nem kasa takangba ken o agütsü. Iba sülenji 1930 aser 1941 küm Gorkha nungertemi parnok Bengal province nungi balaka razüka orr yimten balaka kümba ken o benokpet benoka jembia aru. Aji oda, India nüjiso akümba mapang 1947 küm Communist Party of India-ibo Darjeeling District aser Sikkim na külem ser Gorkhasthan akümtsü asoshi Pt. Jawaharlal Nehru nunger nem takangba agüja liasü. Ajisüaka, Nepali nungertem tejangraba aser parnok temetenji junga mangadangi parnokji West Bengal state kübok dang yutsü. Ibayongji, mapang talangka ola madokteti aruba sülen, West Bengal nung Jyoti Basu chief minister asüba mapang, Nepali nungertemi tangar sobaliba kübok alitsü maremteti 1986 küm Subhash Ghisingi anir Gorkha National Liberation Front (GNLF) teloki Gorkhland state meshia apuso. Iba longkak aitba mapang Nepali nunger 1200 shi asü. Iba sülen state balaka mesüaka 1988 küm Darjeeling Gorkha Hill Council aküm aser Nepali nunger asoshi state balaka meshiba otsüji khen atema yangji anena liasü. Ajisüaka, 2007 küm Bimal Gurungi anir GNLFF telok toktsür telok tasen ka tenüng agi Gorkha Janmukti Morcha tentet aser anosa Gorkhland state akümtsü takangba agüja apuso. Ajisüaka, idangjia state akümtsü melen Gorkhland Territorial Administration ta ser autonomous yimten sabang ka tentet aser yangji Bimal Gurung tekolak aküm. West Bengal nung ya Nepali nunger lakh 14 shi lir aser parnokji Bengali nunger masü, anungji Bengali nungertem den sobaliba kenyongi balala. Iba amaji mulung animesüngzükteti alidang Trinamool Congress teloki aniba West Bengal government-i Darjeeling nunga dena kaketreju ajak nung Bengali oshi kangtepa agitsü ta sangdongba ajanga ano Nepali nungertemji tali jashidaksü aser tang ano Gorkhland state nungdakba onük benoka longkak aittsüsa kümogo. Gorkhland asoshi nokdakertem ya Nepali nunger kija masü saka linük nung parnok nungiter aika lir. Taküm 2017 küm April 04 nü Indian Law Institute, New Delhi nung 'Conference for Regional Justice' alidang Rashtriya Adhikar Manch teloki India nung aliba Gorkha (Nepali) nunger asoshi tekaratiba nung state balaka akümtsü asoshi nungiter ta metetdaksü. Iba mongdang nung Union minister of State for Social Justice & Empowerment den Live Values Foundation, Telengana Joint Action Committee, Indigenous Peoples' Front of Tripura, Dehat Morcha, Akhil Bharat Hindu Mahasabha, Shiv Sena, Small States Federation aser All India Lawyers' Association teloktem ajak longjemer West Bengal kübok aliba Nepali nungertemi state balaka akümtsü akangba onük nung pusema nokdaksü lemtet. Iba denji ano Supreme Court Bar Association aser Delhi High Court Bar Association nungertemi Gorkhland akümtsüba maparen nung nungittsü lemtet. Ibaji dang masü saka GJM ya BJP teloki aniba NDA telok nung dena lir. Item ajakji GJM tashi angudak lir. Atangji West Bengal nung alir Nepali nunger asoshi Gorkhland akümtsüba kang langa lir, anungji kümdaksütsüla.

OLEMSABANG

Pei Temeten Jangjaba Mapangji Election

- S. T. Yapang Lkr. Kohima

Temesüng nisung marudang asen Naga kin ya yim shia nüchiso akaba yim kaka liasü, anungji Putu menden aser tata taineri lemtetbaji tatem, tajunga süang, tamajunga süang aji tematiba tashi ta sür lia aru, saka tang asenok India nunger kübok alir asünungji asen sobaliba dak alaka India temzüng agi alena lir, aser Election ya asen Aor aser Naga nungeri kodanga jembishia maruba inyakyim ka, hau iba inyakyim mesüka benshiba lir, saka item jaki election dak aketba tashi aser inyakyim ajak mabensar, ya India nunger temzüng ozüng aser tashi tematiba maongka ka asenok nem agütsüba lir, aser India nungera aji par sobaliba masü alima tejakleni aor dang nungi ajizüka benschirba dang .

Asen sobaliba den kasasa mesüaka par temzüng agi alena ali nungji anidaksü tim, sakasa shirnoki aji tim masü aser asen sobaliba melaba dang inyaksü tim ta angateter, parnok jagi election ya par yimtak/jila nungji magidaksütsü tashi ajak agi nokdangtsübjiang tim mapa ka asütsü, joko hau süra hau, nunga süra nunga ta ka lemtetsüji tim.

Asen Naga nunger ya India nungi nüchiso anguka asünunga alemli tejen putui lepa oa yim shia nüchiso akaba yim kaka kümabo maotsü südi. Naga nungera Naga nunger asoshi election-ji agitsüsa akümtsü. Election ya tajung aser jangratemtsüka asünungji aser sobalibaji teti kasa masü tajungba nung meyushia soasoa liteta aoba ka asünungji tajungbai melentsüji tim.

Joko taruba küm general election tonga arur asünungji telok telok tasen tenzüka den yim teimba ka nung rongrong agi sünga lir, kechiyong asenoki nisung shia nem agütsüba temetenji memetet aser mamshir, ibayongji rarabangsen mesüra pei temeten vote kaji pei mulungba nung masü tashiyim agiola madokdaksüi/ mamshidaksüi ajemrepa yutsür, saka aji tamajung inyaker kija tai masü aseni asen temeten asoshi meraraba ajanga asenok jenjang majung akümba dang, anungji tang asen jakdang aliba election ya ajanga tarutsü asoshi tajungba aser linük temzüngi melaba ama election sünepa agitettsü asoshi asenoki shilem agidi, itemji tsünglanglen agüja aliba nungi kulitem bendena tangar aitsür nübu masü, saka temelenshi adokdaksür rongnung adentsü ajungshir.

1994 küm Tsükjem Jamir vs State of Nagaland ken o nung Obendanger H. K. Sema-i obendang agütsüba nung tongtibang kar yamai shia lir;

1. India senso shia temzüngi melaba ama pei temeten vote agüja lir, aser aji shingaia bener aotsü makok. Aser iba tashiji yimsüsür mesüra lenir shingaia rakzüksü makok.
2. Candidate ka mesüra telok mesüra nisung kari nübur aser nisung ka amokmerena lokti nungi jentoktsü mesüra kin nungi jentoktsü ta shia temetenji ajemrepa yutsütsü merangra parnokjiang meyiper nokdangtsü.
3. Yimsüsür shimba inyakyim nung nübur temeten rakzüksübjaji kecha bangdak aser tentet dak tashi mali, Putu menden, Senso Mungdang mesüra kechi nungja südir süang, parnoki nübur dang tetuyuba agüja yimsüsür shimtsü tashi mali.

Iba keno obendangba ya 1994 Gauhati Law Report Vol. 1 tapak 407 nung angutsü.

Tekalen ashi ama linük nung temzüngji tapet aser tesütep yanglua kar, saka nüburi aji mamshira aser okadaki keno bena tatem küma lemtetba matai arogo aser sayutsünger ashiba anga iba kenoji meyipa agira kodanga alimaji tajungbai makümtsü, khen asoshi anentsü akok, saka taruba election nungji ano tamajungba akümtsü. Anungji election merüka agitsü aser agidaksünürtemi tasü itta inyaksüba maparen kar lir;

Ner yimtak senso candidate shimba nai maginüra nai okdaki abentsübjaji ang tim, saka na ner kidang ayipjanga mejanga, timi chiyungabo ibala takokji bener marutsü, alemliia nokinketertem arem nung azüngmeyaka, machi majem aremyongjiang mangko bener arutet. Kechiyong naji ner kidang ajemajema lira tashiyim amshir telok tuluba jaki naji ajungbenaka tepset nunga kinungeri taitoktep kümra tasürsa akoksa.

Nija mesüra telok kari, yim mesüra senso tenüng nung nisung ka mejeta yaritsü sangdongba nungji manidaknüra okadaki abentsübjaji dang tim lenmang. Yimtakji raratepa kazü nung taküm ang lalutsü, aser timbaben ishiba pur akoksar. Tashiyim amshia inyakertertemi melungbaji election jaki sadema idaksür, ibala melen nai/ telok jaki okadaki aben nung Obendanger H. K. Sema-i obendang agütsüba zünya ana (2) buba nung shia aliba ama, senso candidate sangjiang meyiper election jaki meytetsüsa akümtsü, aser ibaji rarateper ozüng alema inyaksangshiri takok ngua election-i idaksü dang nungi ola maka, rarabangsen makai, tim temeten agi inyakba tajungtiba lenmang ka asütsü. Saka item ajakji okatsür tim dangi moura asenjiang takoksa ajurutsü ana nung lir.

(Maneni taruba adok nung...)

Iba Olemsabang nung lemsaba ken-o aser shisatsü ya iba ocet zülur-i bilemba ken-o ama tazünger-i angateta agitsü mepishir

'Chichiba Tembar' ta ser tanurtem kaket ka sayaogo



June 19, 2017 nü Kumlong Baptist Arogo sannüker, Rev I Lima Jamir-i KBA Christian Education Ministry Associate Pastor Moanaro Imchen-i züluba 'Chichiba Tembar' kaket sayatsüdang agiba noksa angur.

Dimapur, June 19 (TYO): Moanaro Imchen-i züluba 'Chichiba Tembar' ta ser tanurtem kaket ka Kumlong Baptist Arogo sannüker Rev I Lima Jamir-i sayatsü.

Chichiba Tembar kaket ya Heritage Publishing House, Dimapur ajanga publish asü aser Moanaro Imchen-i züluba mezüngbuba kaket lir. La ya KBA nung Christian Education Ministry Associate Pastor inyaker.

Arogo toklang tenzüker ka ama mazüngi dang liaka Khristan kaket züluba atema Rev Lima Jamir-i Moanaro Imchen nem tenüngsang agütsü.

Iba kaket ajanga tazüngertem ajungmesotsü aser Khristan tesayubatem agütsütsü imlar, ta paisa ashi.

Sentong nung Moanaro-i o jembidang, lai tanurtem asoshi Khristan tesayuba aser Tsüngrem temeim indang kaket

ka zülutsü kanga jangraa liasü, ta ashi.

Tanurtem ministry nung inyakdang, lai aika angazük aser ajangshia aru. Talisa tanü-asüng tanurtemi kaket azüngtsü melena gadget tem ang amshitsü jangraba ajitet, ta laisa ashi.

Iba jagi lai tanurtem kaket azüngtsü jangradaktsütsü aser tanurtemi Khristan tesayubatem angazükaktsütsü atema kaket ka zülutsü mulungtet. Iba kaket den atongtepba kaket ka ita ishika lir adoktsü, ta Moanaro-isa shisem.

Laisa lar tesayartem Rev C Walu Waling aser Temjen Tzudir na dang pelaba metetdaktsü.

Sentong nung Ao Senden Literature Board Secretary, Temjen Tzudir-i kaket indang okila jembidang, iba kaket ya tanurtem atema dang masü saka tsüraburtem atema tajung lir ta ashi.

Chichiba Tembar ya Duluba aser Lisemba ta ser medemer ana indang otsü lir. Iba kaket indang jenjang ya sen 180 lir aser Mokochung nung aliba bookstalls nung angutsü.

Jerusalem nung police tem amakba atema ISIS-i tenüng agir



Jerusalem yimti nung Palestine nung kiralongrartemi police ketedangsertem amakba sülen sepaitemi teyirurtem anir aodang agiba noksa ka angur.

Jerusalem, June 19 (Agencies): Israel-i ketedangsüa aliba tesem ka nung Palestine nungertemi Israel police ketedangser ka tepsetba aser ana yirutsüba atema Islamic State-i tenüng agiba sangdong saka Israel ketedangsertemibo IS pur shilem kecha mali ta shiogo.

"Tsüngrem teyari ajanga onoki Temple Mount anasa, Jerusalem tiyongtsü nung makogo. Iba ya tatembang masü saka tetenzüker ang lir" ta IS-i Amaq news agency ajanga metetdaktsü.

Hokolbarnü Jerusalem yimti nung Damascus gate anasa lendong ana atalok, ta The Jerusalem Post ajanga ashi.

Palestine nung nisung anati Israel police ketedangser telok ka dak injang khaloktsü aser kotari agi tsüngsettsü merang. Ano, külen Palestine nung kati border police tetsür ka tsüngset. Palestine nung

asempronglaji police-i kaset. Iba nung IS puri shilem agiba kuli kecha mali, ta police otongdar Micky Rosenfeld-i ashi.

Palestine nung asemji Bara Ibrahim Muhammad Saleh (19), Adel Hassan Ahmad Anakush (18) aser Osama Ahmad Mustafa Atta (19) ta jangjaogo.

"Kiralongrar asem jagi tasa atonger mapa inyak. Parnoki Carl Gustav automatic prangpong ka aser kotaritem bener liasü. Zedekiah's Cave anasa mezüng injang khaloktsü aser idangji Border Police ketedangsertemi parnok dak meyiper injang khaloktsü. Idakji kiralongrar anaji kaset aser lendong nung police aser civilian ka yiru" ta Micky Rosenfeld-isa metetdaktsü.

Iba lendong atalokba sülen secong ishika lir, Palestine nung kati policewoman Hadas Malka dak kotari agi

atsüng.

"La dak kotari agi aiben atsüngba ajanga kanga mejungi yiru aser mozükidangi anir ao saka tia maka la süadok" ta Micky-isa shisem.

Külen, Hamas-ia iba tatalokba ana atema tenüng agiba metetdaktsü.

"Jerusalem nung mapa takok ngua inyaker asemji Daesh (IS) den tesentaktep kecha mali. Parnokji PFLP (Popular Front for the Liberation of Palestine) aser Hamas den züngsema liasü" ta Hamas' Izzat El-Reshiq-i Twitter nung metetdaktsü.

Taoba ita U.S. tir Donald Trump-i Israel semdangdang, Jerusalem nung aliba Western Wall nung teka agi nemeter Tsüngrem dang nungi shisatsü meshia sarasadem.

America nung tir teinyakdak nisung kati Judaism indang tesem temeshitiba semdangbaji Trump lir.

ANOGO ABEN TSÜNGREM DEN

ANEPADOKANG

'Aser pai kü dang ashi, 'Kü taochi na asoshi teperi, kechiaser kü ain mokokmin nung abensadaktsür, Anungji Khrista ain kü dak alitsü asoshi ni kanga pelashishia kü mokokmin nunga uludi.' 2 Kor. 12:9

Kodang teret sükdangba anepa arudir tanga teret dang nungi tashi taitba akümera asü, ya tesüngmangtsüka masü na? Aji dang masü saka kodang yiruba ka anepa arudir tanapen kasaji meyrutsü asoshi aseni kanga kümdanger. Yamaji asen taküm nunga kasa ji lir, kechi nungsa teraksa, tamakok aser tanela nung yiruba ajurur külen taneptsü angur iba sülen kasa jenjang jagi maitsü asoshi kanga kümdanga mita tali tashi taitba nung alir. Aser iba taneptsü aser tashi taitba akümtsu asoshi Tsüngrem dangi bener arua pa nem anepdaktsür. Kodasür Pai aneptsür? Kodang asen yirua alibatem ajak Tsüngrem tsüngdangi memiimshi Kibuba ni yangi yirua lir ni anepjang aser merüktetjang ta pa dangi bener arudir idangji pai asen zübutem nung taneptsüba taochi sayur.

Kodang asenoki Pa dak temulung lemteta asen teraksatem bener arudir Pai aneptsütsü mulunga dang lir. Asen tashi maitem ajanga tashi taitba tapensaba kümdaktsür.

SARASADEM:

Kibuba, ni yiru aliba zübu mejemtsür tajungtiba na lir. Amen

Sandi Patty-i LIVE Farewell Recording sayaogo



Nashville, June 19 (Agencies): Grammy 5 ben tashi angur GMA DOVE Award 40 angur kentener Sandi Patty-i la indang farewell tour tenzüko.

Küm 40 tashi lai kentenba ministry nung inyaka arudang nisung aika ajungmesogo aser temoatsü ngudaktsüogo.

Gaither Music Group-i Sandi Patti indang LIVE concert CD aser DVD tem sayatsüogo. Iba kensep tenüngji 'Forever Grateful: Live from the Farewell Tour' lir aser iba nung Sandi-i atenba ken tajung aika dena lir.

Kenten rongnung, "Love in Any Language," "We Shall Behold Him," "Via Dolorosa," "The Old Rugged Cross," "It Is Well with My Soul," "How Great Thou Art" and medleys of hits such as "How Majestic Is Your Name," "Let There Be Praise," "Another Time, Another Place," "I've Just Seen Jesus," aser "More Than Wonderful" kentem dena lir.

"Küm aika 'The Forever Grateful Tour' atema sentong renema aruba sülen iba mapa tembangba atema kanga pelar"

ta Sandi-i ashi.

"Taruba küm 20 mesüra 30 shi lir külen, ni kentenba ajanga Tsüngrem ajungba indang sangdongbaji ozü semchirtem nem angatetdaktsünür. Tangari kü dang nai koma bilemtetdaktsünür ta asüngdang, aser ni teti telangzüba ka dang agütsür. Ibaji ni Tsüngrem kanga meimba tetsür ka lir, ni ozü kibong meimer aser maongka angudangbo ni iba indang ken atener" ta laisa metetdaktsü.

Christian music industry nung sempet teimtiba angurji Sandi Patty lir aser lai Billboard Music Awards 4, platinum records 3, gold records 5 aser 11 million units yoktetogo.

Gospel Music Hall of Fame nung la dang The Voice ta dang ajar aser lai final farewell program ji market 90 shi nung agi.

Iba record ya Capitol Christian Distribution aser Universal Music nati distribute asür aser general market stores o Christian marketplace ajak nung angutsü. Maneni iba record ya iTunes, Amazon aser www.gaither.com nunga angutsü.


OLONG PAITEP # 4457

| | | | | | | | | | | |
|----|---|---|----|----|----|----|----|----|--|----|
| 1 | | 2 | | | 3 | | | 4 | | 5 |
| | | | | | | | 6 | | | |
| | 7 | | | | 8 | | | | | |
| 9 | | | | | | | | | | |
| | | | | | | | | | | |
| 10 | | | | | | 11 | | 12 | | 13 |
| | | | | | 14 | | | | | |
| 15 | | | 16 | | | | | | | |
| 17 | | | | | | | 18 | | | |
| | | | | | | | | | | |
| 19 | | | | 20 | | | | | | |

| | | | |
|-------------------------------|-------|-----------------------------|-------|
| TIPILEN | | LANGTSÜNGLEN | |
| 1. Sorochiokdang ya amshir. | - (7) | 2. Shiba - - - - - ? | - (6) |
| 4. Ki telungi ayi | - (3) | 3. Temaitsü | - (5) |
| 7. Pei dang tambu dang ajaba | - (3) | 5. Inteter aliba nisung | - (4) |
| 8. Yagi teberem nung mesüiter | - (6) | 6. Talangka mao | - (3) |
| 10. Tenüki ajitetter | - (5) | 9. Medem | - (3) |
| 11. Teti | - (5) | 12. Tapu aika | - (6) |
| 17. Aria bilemba shisatsü | - (6) | 13. Ayong nung jajaba | - (3) |
| 18. Aruya aliba | - (3) | 14. Mesaklok | - (5) |
| 19. Aor tenüng ka | - (3) | 15. Inyakmaba | - (4) |
| 20. Kilong telemsa | - (7) | 16. Temulung süngzükdaksüba | - (3) |

OLONG PAITEP # 4456 TELANGZÜBA

| | | | |
|---|--|---|--|
| TIPILEN : | | LANGTSÜNGLEN : | |
| 1. Atang, 3. Akuku, 5. Ajem, 7. Osü, 8. Akok, 10. Nati, 11. Sempa, 12. Itsü, 14. Saru, 17. Aru, 18. Inti, 19. Akong, 20. Senti. | | 2. Tajak, 3. Ayok, 4. Kiset, 6. Maksü, 9. Ama, 10. Nashi, 13. Tarak, 15. Ratet, 16. Sang. | |



Alokba'er kibong nung taginuba onsara

Alokba : Hai tantsü.... Pension sen mapang talangka mengui aliba tu agizükogo, anungji na-a kechi aginer'ar shiang aser Narola o Sobangba nata kechi kechisa aginer'ar shidangangjo....ajiser nia ni aginüba kar alijar....

Warakla : Shidaka..... tambu nabo na kechi aginer'ar nü dang ajungba ka süang... saka nibo yakta nungi nukshia aliba kou merem-merema rong anutsü, aser kirak-kiraka yanglutsu atema Beauty Parlour-i dang khen odi-jai...

Narola : Oba..... nibo tanü asüng adokba Mobile Phone ka alitsü Rs.40,000/- dang nungdaker.. aji mesüra ni tangabo kecha magitsü ako....

Sobangba: Oba ...nia tanü asüng adokba Motorbike ka alitsü Rs.1,50,000/-dang nungdaker...aji mesüra ni tangabo kecha magitsü....

Alokba : Waammaa... ni tilar ka pension sen kwika angutsü...!!! lakh ishika anguba agi nia Maruti Car second hand kabo alinur ...aserbo ano ki tajungsa masü yonga tila kabo yanglunur nung koda.... asen kinunger taginüba ajak ya atongtsüba ya kodaser peritetsü...??? Oh maka-ka...!!!

Lilir: L.Kika Pongener, Aoyimkum, Dimapur.

TANÜBO NAI LANGZÜANG

Q. India nung tenük-telen (temang shilem) timtiba tenlaba mezüngbuba jenjang nung koba state lir?

- A. Kerala. B. Karnataka. C. Tamil Nadu D. Goa

===== (Taruba adok nung onoki langzüsü)

YASHI ADOK TELANGZÜBA : New York

Tepela
Tasoba Anogo

Tanur asoba anogo nung salem osang den noksa angali adokdaksünüra - Tenüng, Küm, School, Talidak & salem osang tejanga züür, noksa (photograph - any size) ka den anogo 3 mesüra 4 jela e-mail : tiryimim@gmail.com nung yokang mesüra Tir Yimyim bureau tem nung agüjang.

1. Tenüng :

2. Tasoba anogo:

3. Küm : 4. Class :

5. School :

6. Talidak :

7. Salem osang :

NAIA YA METETER MA

INDIA NUNG NISUNG TIMTIBAI REPRANGBA NEWS CHANNEL 5

| Rank | Channel Name | Weekly Impressions (000s) sum |
|------|------------------------|--|
| | | Week 18: Saturday, 6th May 2017 to Friday, 12th May 2017 |
| 1 | Republic TV | 2117 |
| 2 | Times Now | 1148 |
| 3 | NDTV 24x7 | 582 |
| 4 | India Today Television | 568 |
| 5 | CGTN News HD | 518 |

Arnab Goswami indang Republic TV tenzükba sülen mezüngbuba hopta nungsa Most-Watched News Channel kümogo. Republic channel ya May 6, 2017 nungi tenzük, aser mezüngbuba hopta (May 6-12) nungsa mezüngbuba jenjangi atu. Iba ya minute ka tsüngda nisungtemi programme mesüra channel reprangba nung ajemdaker TVT (television viewership in thousands) ajanga asadanger.

SUDOKU # 3569

TELANGZÜBA # 3568

| | | | | | | | | | | | | | | | | | |
|---|---|---|---|---|---|---|---|---|---|---|---|---|---|---|---|---|---|
| | | 8 | 7 | | | 1 | 9 | 3 | 7 | 4 | 6 | 5 | 2 | 8 | | | |
| 1 | | 4 | | | 9 | 7 | 3 | | 7 | 4 | 6 | 2 | 8 | 5 | 3 | 9 | 1 |
| | | | 3 | | 5 | 8 | | | 5 | 2 | 8 | 3 | 9 | 1 | 6 | 7 | 4 |
| | 2 | | | | | | | | 3 | 1 | 9 | 6 | 2 | 8 | 7 | 4 | 5 |
| | | 5 | | 6 | 1 | 4 | | | 8 | 6 | 7 | 5 | 3 | 4 | 2 | 1 | 9 |
| 6 | 4 | 7 | | 1 | 8 | 3 | | | 4 | 5 | 2 | 1 | 7 | 9 | 8 | 3 | 6 |
| | 6 | 8 | 1 | 5 | | 2 | 7 | | 9 | 3 | 5 | 8 | 1 | 7 | 4 | 6 | 2 |
| | 9 | | 3 | | | 8 | | | 6 | 7 | 4 | 9 | 5 | 2 | 1 | 8 | 3 |
| | | | 7 | | | 4 | 6 | | 2 | 8 | 1 | 4 | 6 | 3 | 9 | 5 | 7 |

OJANG LUTEP # 4064

- NSUGIN :
- ATIKAI :
- KMEOKTBATE :
- MIMETT :
- UJRABAU :
- PGANMA :
- NGNU :
- GAN :
- MGTEÜNRS :
- RETLEMBITE :

OJANG LUTEP TELANGZÜBA # 4063

TASODANG NUNGI AKETBA SHISATSÜ ASER MERANGA BUHSIR NGUTETBA SHISATSÜ BALALA

Anü ita petinu ajanga alima nung tsüngsang mopung melenshidaksüba ama nisunger tia-a melenshidaksür ta anü ita petinu tetzürtemi ashir, parnoki ashibaji shidak asü tai'ar nai-a na asoba ita anogo den tanü nü tia medemdangang (Horoscope):



Aries 21/3-19/4

Tanü nai jembishinü nung shilem kanga aginütsü südi, saka nai kümdanga jembishinüang, mesüra na lendongi aitsü temela asütsü.



Taurus 20/4-20/5

Tanü nai nüngdak maliba nung nai o tali mejembitsüla saka nüngdak aliba nung tasü ita jembang. Lokti nung shilem magi tajungba asütsü.



Gemini 21/5-20/6

Na lokti nisung asüba ajanga nai aiben nü mapa nung temolung magütsüteter, saka tanü nai nü mapa nung temolung agütsütsü mapang tajung lir.



Cancer 21/6-22/7

Nür kinunger aser adianutem den nai tesendaktep tajung linür, saka tanü nai bilemba nung akhang-akhanga nokdakra mangatettep adoktsü.



Leo 23/7-22/8

Nai aiben o tali jembir saka mapa nung temolung magütsür südi. Tanü nai nü tenarong nembanger nü mapa nung temolung agütsütsü mapang tajung asütsü.



Virgo 23/8-22/9

Tongtimbang osang bena aliba mesüra bener aruba nisung tem den tanü nai jungtepa liang. Tanü na mazüngi lira nai takoksa tulu ajurutsü.



Libra 23/9-22/10

Tangar den sensaksemba ajanga na shisatsü tajung aika angur. Anungji tanü na ki telung nung melii medemertem den sensaksem liang.



Scorpio 23/10-21/11

Tanü nai tangar den anepalua sensaksemang. Tilateri nung mangatettep madokdaksütsü merangang aser nü anogo tajung asütsü.



Sagittarius 22/11-21/12

Nai tanü nü kisüng süngjema alitsü jangratsü südi. Anungji nü mapa kara inyakang aser nü kisüng mapang indoktsü merangang.



Capricorn 22/12-19/1

Nü mapang tajung alanzüktsü nai teti bilemer. Iba ajanga tagari na meinprongba maginür. Saka iba ajanga na tangar den tesendaktep meraksatsüla.



Aquarius 20/1-18/2

Mapang talangka agitsüba mapa nung tanü nai shilem agi tajungba asütsü. Nü o agi tangar molung meyrutsütsü merangang.



Pisces 19/2-20/3

Nai tanü nü mapa nung takok angutsü bilema inyakang. Aser nü nukjitong tongtettsü asoshi nüngdakba mapang nai medemertem dang teyari meshiang.

Kingsley-i Nazi war film 'Operation Finale' nung shilem agitsü

Los Angeles, June 19 (Agencies): "Operation Finale" film nung Nazi war nung nisung tamajunger, Adolf Eichmann shilem agitsü atema media company MGM-i Hollywood actor tain, Ben Kingsley nübo yimogo.



Iba film nung pai Oscar Isaac den külemi shilem agitsü.

Taküm Argentina nung iba film tangok tenzüktsü aser Eichmann apuba thriller film ya Chris Weitz-i direct asütsü.

Eichmann-i ketdangsüa Europe nung linük balala nungi Yihuda nunger concentration camps-i yoka liasü, aser iba mapang nung Yihuda nunger nisung million trok shi tepset, ta variety.com osang ajanga metetdaksü.


World War II tembangtsü mapang anasa Eichmann-i par

linük, Austria-i jena ao, iba sülen Argentina linüki ao. Eichmann ya 1960 küm Argentina nung Israel nunger intelligence service, Mossad-i apu. Iba sülen obendangdaki pa rara mapang aibelenba nung aitsü aser pa arishi küm 56 asüdang 1962 küm alenseta südaksü.

Isaac-i Mossad nung inyaker Peter Malkin shilem agitsü.

Pa den Brian Kavanaugh-Jones aser Fred Berger nungeri Automatik company aser Inspire Entertainment's Jason Spire kübok iba film produce asütsü.

Alimai 'Badman' ajitetba atema nüma atanger: Gulshan Grover



Mumbai, June 19 (Agencies): Moscow International Film Festival aser London Indian Film nung pai shilem agiba Badman web-series sayutsü asüngdangba

atema kanga pelar ta actor Gulshan Grover-i metetdaksü. June 24 nü Moscow International Film Festival aser June 27 nü London Indian Film nung iba web-series sayutsü.

"Badman ya web-series khenyongi balaka lir aser iba ya kü temulung nung kanga miemba series ka lir. VOOT teloki iba otsü kanga junga yanglutetba atema tenüngsang agütsür. Badman ajanga digital entertainment sabang nung jenjangmung tajung ka angutsü ta ni bilema liasü" ta Gulshan Grover-isa ashi.

"Asen film ka alima sabang nung tetshitsüsa maangka angubaji asenok ajak atema nüma atangtsü mapang ka lir" ta paisa sangdong ka nung shisem.

Badman ya Soumik Sen-i direct asü aser shilem pezü lemsar yangluba series nung Chunky Pandey-ia shilem agir.

Iba web film nungsa actor tejen Rishi Kapoor, choreographer-filmmaker Farah Khan, director Shoojit Sircar aser actress Manisha Koirala nungertemia shilem agir.

Ed Sheeran nem MBE tetushi agütsütsü

London, June 18 (Agencies): Kentener Ed Sheeran nem 'Member of the Most Excellent Order of the British Empire' (MBE) tetushi agütsütsüba Queen's Birthday Honours List nung züngsema lir.

Shape of You kentener shibai Brit aser Grammy award aika ngua ali, pai pa indang album tasembuba ÷ (Divide) taküm küm tetenzüklen sayaa liasü aser iba kensep sayali British aser US Chart nung temaba jenjang tongteta liasü.

Iba osang angashili Sheeran-i Instagram nung pa iba osang angashia kanga pelaba lemsatepba den külemi pa fan temi pa nungitba osang yokba atema parnok tenüng sanga liasü, ta osang ka ajanga metetdaksü.

Taküm iba award atema tanga culture star tem rongnungi Billy Connolly aser Star Wars aser Black Mirror actress Gugu Mbatha-Raw dena lir.



TAN HOPTA ATEMA - KOMA SÜLA ?

Q. Nagaland government nung ochimashi inyakba mapatem ajunga ya CBI nem bushisüngdaksütsü asoshi temelaba agütsü nunga koma süla ?

Sen 6,999 jenjang Moto C Plus tanü India nung sayaogo



June 19, 2017 (Agencies): Lenovo meyong Motorola ajanga India nung tanü Moto C Plus sayaogo aser iba phone ya sen 6,999 agi angutsü. Iba phone ya June 20 anüngdang 12:00 ako nungi tenzüka Flipkart nung agutsü. Iba phone ya Moto E series melena yangluba amai lir aser Motorola indang phone

memory tuluba inoka amshitettsü. Moto C Plus phone nung SIM ana inoka amshitetter.

Moto C Plus smartphone indang tesülen camera ya 8-megapixel den f/2.2 aperture, 1.12 micron pixels, autofocus, 71-degree field view aser LED flash nungertem densema lir. Tejaklen camera ya 2-megapixel lir. Moto C Plus indang operating system ya Android Nougat lir.

Iba phone indang battery tashi ya 4,000mAh lir. Iba phone nung connectivity tsütsü Wi-Fi, GPS, Bluetooth, 3.5mm headphone jack, FM aser 4G amala lir.

Moto C aser Moto C Plus ya America, Asia Pacific aser Europe nung taoba ita saya-a liasü.

Iba phone ya Pearl White, Starry Black aser Fine Gold sentsü nung angutsü.

rongnung tenjang dalang phone ka asütsü.

Iba smartphone indang display ya 5-inch HD (720 x 1280 pixels) lir. Iba phone indang chipset ya 1.3GHz MediaTek MT6737 quad-core aser 2GB RAM lir. Iba smartphone nung 16GB internal storage lir aser microSD ajanga

Jio amshir shilem 90-i Prime shimogo

June 19, 2017 (Agencies): Osang ka ajanga ashiba agi, Reliance Jio amshir noklang nung 90 shilemi promotional Prime membership plan subscribe süogo.

Kasa osang ajangasa ashiba agi 'promotional period' tembangba sülena noklang nung shilem 76-ibo maneni Jio service sa amshitsü.

"Jio amshir shilem 80 ket nung Jio SIM ka dang lir...Shilem 90 Prime member lir aser shilem 84-i ita shia top-up atema Jio nem sen agütsüogo ta ashir," ta iba osang ajanga metetdaksü.

Parnoki ashiba agi, Jio amshir shilem 84 nung timba kati ita shi top-up jenjang 303 aser 309 tup-up atema Jio nem sen agütsüogo.

Jio-i top-up jenjang 303 aser 309 agi recharge asüba ajanga tamshirtem nem ita ka atema anogoshia 4G data GB1 agütsür aser iba plan kübok tanem makai o jembitettsü.

"Onoki bushisüngdangba nung ngutetba agi, bushisüngdang nung shilem



agirtem rongnung shilem 5-i LYF phone amshir, shilem 40-i Samsung phone amshir aser shilem 7-i iPhone amshir," ta osang ajanga metetdaksü.

BoFAML-i June ita tashi nung Jio amshir tem angati service tembangba sülen parnok tebilemba aser tamshiba yimya asadangtsü asoshi parnok 1,000 nungi timelemba tem bendena asadanga liasü.

"Onoki ngutetba agi Jio amshirtem ya market ajunga nungibo masadang kichiyong iba bushisüngdang ya tomta nung aser jenjang temaba nung aliba nisungtem online ajanga bushisüngdanga liasü," ta bushisüngdangertemi ashi.

Telecom regulator Trai ajanga tawa sangdong ka nung ashiba agi, April ita tashi nung Jio amshir million 112 liasü.

Bushisüngdang nung shilem

agir parnok shilem 68 shi-i ashiba agi, parnoki parnok telecom operator tem den jembitepba sülen shilem 10 nungi 40 tashi tariffs dalangba agi angur.

"Indian telecom company rongnung Bharti Airtel sa onok atema tesapuba lir kechiyong iba ajanga high-end nung Jio den tokteptetsü aser low-end nung tali ajangzüksü," ta osang ajangasa ashi.

Jio amshir shilem 41 shi-i tang tashi tanga network den o jembitsüba nung timtem ajurur aser iba timtem ya meyolongi tajungba akümsü imlar.

"Onoki Jio-i coverage tajungba kümdaktsütsü asoshi sites tali amenoktsü imlar. Jio-i taruba ita 12 tsüngda nung site lakh 2 amenloktsüba metetdaksüogo koba tanga tashi nung lakh 1.1 lir," ta kasa osang ajangasa metetdaksü.

'Facial Recognition' aketba LG G6+ July nung sayatsü

June 19, 2017 (Agencies): LG Electronics indang tashi tuluba kümshia LG G6 nung features tasen inoka taruba ita nungi tenzüksü lir.

Iba tashi tasenba ya Face Print, Low Power Consumption aser Covered Lens warning nunger amala ya lir aser item features tasentem ya LG G6 amshirtemi software tasen update asüba ajanga amshitettsü. Iba kistung masü saka iba kasa features inoka yangluba LG G6+ angutsü aser iba phone nung storage tuluba aser ola tajungba alitsü.

Phone amshir tejak ajitettsü asoshi technology balala amshia yanglua aliba phone tem dang nungi iba Face Print ya tajungba lir. LG G6 unlock asütsü atema Face Print ya amshia phone ya nisung tejak anasai aonung pasasa phone unlock asütsü. Iba kasa technology ya Samsung Galaxy S8 nunga lir. Iba phone ya tejak anasai bener aoba mapang ang camera ya pasasa activate asütsü aser iba ajanga Face Print amshidang

battery tali magitsü.

Iba phone nung feature tasenba rongnung ano ka ji, Low Power Consumption ya lir, aser iba feature ya Qualcomm Hexagon DSP architecture den Qualcomm Snapdragon külemi yanglua iba LG G6 nung inoka lir. All-Ways Aware ajanga Google indang Contextual Hub Runtime Environment (CHRE) amshia data balala ya sensor aser wireless connection nungi bendener aser iba ajanga battery tashi tali magir.

LG G6 ya Optical Marine Blue aser Optical Terra Gold sentsü nung angutsü. Iba phone tesülen ya 'lenticular film' inoka lir. Iba phone indang display tasazük 5.7-inch ya sentsü tanak agi meketbanga inoka lir.

LG G6+ nung internal storage ya 128GB lir aser B&O PLAY indang premium earphone angur. Iba kasa phone tasenba nung 32-bit Hi-Fi Quad DAC inoka lir. Iba turbocharged LG G6+ phone atema linük kar nung wireless charger densema angutsü.

DK Entertainment-i World Music Day amongtsü

Kohima, June 19 (TYO): State Academy Hall, Kohima nung 2017, June 21 anogo nikongdang 5:30 ako nungi tenzüka DK Entertainment-i World Music Day amongtsü.

Iba sentong nung DK Entertainment ajanga kentener telok aser artist balala nem parnok sempet sayutsü asoshi maangka agütsütsü. Nagaland Music Award angur, Mengu Suokhrie den Moko Koza, Ato Nienu, Dziesekhrienuo

Keretsü, N.T amala artist temi "Motivating Artist" ama iba sentong nung shilem agitsü.

Iba sentong ya nübur ajungai angati arua reprangtetsü aser iba sentong asoshi Fun Tree Crew, Chromatic Clef aser ken meimer kija aser lokti balala-i yariteba amongtsü, ta DK Entertainment nung iba sentong achayanger, Khrievotuo Sekhose-i sangdong ka nung metetdaksü.

Facebook nung mi lendong nung rongseter noksa inoktsüba atema nisung ka jail-i yok

June 19, 2017 (Agencies): Grenfell Tower arongba nung rongsetertem noksa Facebook nung post sütsüba atema nisung ka Britian nung jail-i yokogo.

Arishi küm 43 tain Omega Mwaikambo-i pai Facebook nung noksa inoktsüba nangzükba sülen Westminster Magistrates' Court-i pa ita asem atema jail-i yokogo, ta osang ka ajanga metetdaksü.

Scotland Yard ajanga ashiba agi, Mwaikambo communication meshidaki amshiba atema aitsüogo.

West London, North Kensington nung mi lendong nung asürtem junga menembangi aliba noksa online nung post sütsüba sülen Mwaikambo apu. Pai Communications Act kübok okadak ana nung aibelen nangzükba tatok meshi.


Pai noksa inoktsüba shia atema hopta trokrok jail-i yok koba ajak meyokteper hopta 12 (ita 3) lir, ta Scotland Yard-i metetdaksü.



Pai post sütsüba noksa rongnung tebur ka alibaji mejangjateti liasü, saka nisung kati osang benertem dang ashiba agi, ibaji pa teti Mohammed lir, shiba mi lendong nung rongsetba jangjar liasü saka temang mejangjateti liasü.

"Tanep onoki tasümgang social media nung angu aser police-i iba indang kecha memeteti liasü. Iba noksa ya social media nung post mesütsü nung jungla. Police temi ashiba agi, parnoki onok nem osang tejangja memetet tashi osang kecha magütsütetsü," ta pai ashiba osang ajanga metetdaksü.

Iba ni lendong nung samara parnok 58 tashi monguteti lir aser police temi parnok sür alitsü ta bilemer.



Hotel De Oriental Grand Kohima nung Nise Meruno aser Alobo Naga na musical nite nung shilem agidang tangokba noksa nung angur. Iba sentong nung ken tem ya tenadi tebutem nem dedicate sütsü, talisa ano tebu malirtem atema tenadi mejeta ken tem tentsü. Musical genre balala atener süaka tena külemi longjemer tenati mejembatem kentem atenba ajanga senteba aliba nüburtem jangsatemdakja liasü.



New Delhi, June 19, 2017: Hombarnü New Delhi nung Finance, Corporate Affairs & Defence, Union Minister, Arun Jaitley aser Chemicals & Fertilizers and Parliamentary Affairs Union Minister, Ananth Kumar nati linük tatong Tir aser Rajya Sabha Mendenbuba, M. Hamid Ansari ajurua senden amenba noksa nung angur.

India-i BRICS linüktem den kiralongra anema raratsü:VK Singh

Beijing/New Delhi, June 19 (Agencies): India-i BRICS linüktem- Brazil, China aser South Africa den külemi kiralongra anema raratsü lemtetogo.

Tanep China yimtiba, Beijing nung BRICS foreign ministers senden nung jembidang Minister of state for external affairs, V K Singh-i, "BRICS onüktem tanemtanemi tuluba kümard. May ita nung kiralongra anema tentetba joint working group senden tembanga liasü. NSAs senden taruba ita amentsü. Yaküm parnok senden nung security aser kiralongra anema BRICS linüktem amalitepa inyaktüsü asoshi telemtetba ka dangi arua liasü," ta metetdaksü.

Taküm September ita nung China, Xiamen nung BRICS

senden amentsü jilia BRICS foreign minister tem senden ya menogo. BRICS senden nungji Ato kilonser, Narendra Modi-a adentsü sentong lir.

Foreign minister tem senden nung External affairs minister Sushma Swaraj adentsü sentong liasü, ajisüaka la temang manemi aliba ajanga la melen Singh aden.

Taküm May 14 nü India-i China Tir, Xi Jinping-i ayongba Belt and Road senden nung madenba sülen tang mezüing minister kati China nung ayongba senden nung adener.

Singh-i longjemer kiralongra anema raratsü atema jemi, ajisüaka pai Pakistan nungeri arrtsülen kiralongraba onükbo süoka mejemi. Ajisüaka India-i taküm September nung ayongba aliba BRICS senden

nungbo iba onük süoka jembitsü sentong lir.

Kiralongra onük nung China-i Pakistan maneni pusemba agi India mepelar. UN Security Council nunga India-i kiralongra indang jembiniä liasü, ajisüaka China-i nokdang.

Ano taruba ita linük pongu nungi NSAs senden nung National Security Adviser, Ajit Doval adentsü sentong lir. Iba senden nung kiralongra aser security nung amalitepa inyaktüsü atema jembitsü.

Tanep kasa senden nungsa China foreign minister, Wang Yi-ia, "China aser India naprong tashi aliba linük lir, anungji linük anati tesem nung yimjung alitsü atema BRICS aser Shanghai Cooperation Organization (SCO) nung amalitpa inyaktüsü," ta ashi.

Opposition party temi BJP candidate anema candidate shimtsü

New Delhi, June 19 (Agencies): Tanü BJP-i aniba NDA-i linük Tir candidate atema Bihar Angh aser Rashtriya Swayamsevak Sangh (RSS) nungi Ram Nath Kovind tenüing sangdongba sülen opposition party temi June 22, 2017 nü senden amentsü telemtetba agiogo, aser iba senden nung parnoki Kovind den tokteptsü atema candidate ka shimtsüa akok, ta osang angazüker.

Tanü BJP-i linük Tir candidate sangdongba dak sendakba nung Congress lenir,

Ghulam Nabi Azad-i, "Congress-i iba onük nung kecha mejembiner, kechiyong Tir election atema opposition party tem den ang külemi telemtetba ka aginer," ta metetdaksü.

"Tir candidate atema tatembang telemtetbaji opposition party tem senden nung ang agitsü," ta Congress lenirisa metetdaksü.

Trinamool Congress otongdar, Derek O'Brien-ia, "BJP-i osangbenertem senden nung Kovind candidate shimba sangdongba sülen ang onoki iba

osang angazük. Shingaiä onok dang mashi," ta metetdaksü.

CPI(M) general secretary, Sitaram Yechury-i, "Ramnath Kovind ya RSS lenir ka lir. Iba tetezü pa yimtenren tangatetba ka nungi lir. Anungji iba ya yimtenren rara ka lir," ta ashi.

Nationalist Congress Party otongdar, Nawab Malik-i, "UPA nung adenba party ajak June 24, 2017 nikonkdang 4:00 ako nung senden mena opposition nungi linük Tir candidate shimtsü. Iba senden nung NCP-a adentsü," ta metetdaksü.

Ram Nath Kovind-i Tir mapa junga inyaktettsü: PM Modi

New Delhi, June 19 (Agencies): BJP-i aniba National Democratic Alliance (NDA) sorkari linük Tir candidate atema Bihar Angh, Ramnath Kovind shimba pusema Ato kilonser, Narendra Modi-i, Kovind ya temzüing-ozüing tsütsü tera akanga lir, iba den külemi pai linük Temzüing indang junga meteta lir, anungji pai Tir mapa kanga junga inyaktüsü, ta metetdaksü.

Hombarnü Ato kilonser, Modi-i Twitter ajanga, "Aluyimer ka jabaso, Ram Nath Kovind ya tongmelang kibong ka nungi lir. Pai nüburtem tenzüka mapa nung kanga nendaka inyaka arudar aser sensakertem atema inyaka aruogo. Temzüing-ozüing tsütsü pa tera yanga lir aser pa shisatsü den külemi pai linük temzüing meteta aliba ajanga linük ajanzüksü. Ram Nath Kovind-i Tir mapa junga inyaktüsü aser maneni pai sensaker, lenimaortem aser tepetzük tia nung alirtem atema inyaktüsü ta ni amanger," ta ashi.


Tanep osanbenertem senden ka nung BJP Tir, Amit Shah-i NDA sorkari linük Tir candidate atema Bihar Angh, Ramnath Kovind shimba osang sangdonga liasü.

Tanep New Delhi nung BJP Parliamentary Board senden amenba sülen Tir candidate shim.

Ato kilonser, Narendra Modi, Union Minister tem- Sushma Swaraj, Nitin Gadkari aser M. Venkaiah Naidu nunger densema party nung tongti lenirtemi Tir menden atema o lemtepa liasü.

Ano külen opposition party tema June 22 nü senden ka amentsü ayongzükogo. Opposition candidate shimtsü atema Congress Party Tir, Sonia Gandhi-i opposition party temi akumba sub-group ka tenteta lir, aser iba telok nung züingsemtemji Congress lenir ana- Ghulam Nabi Azad aser Mallikarjun Kharge na, JD(U) lenir Sharad Yadav, Rashtriya Janata Dal (RJD) lenir Lalu Prasad Yadav, CPI(M) lenir Sitaram Yechury, TMC lenir Derek O'Brien, Samajwadi Party nungi Ram Gopal Yadav, BSP nungi Satish Chandra Mishra, DMK lenir R. S. Bharathi aser NCP nungi Praful Patel nunger lir.

India Tir election July 17 nü agitsü, kechiyong tang teinyakdak Tir, Pranab Mukherjee July 25, 2017 nü Tir menden nungi anisüingzüksü.



New Delhi, June 19, 2017: Hombarnü New Delhi nung Water Resources, River Development & Ganga Rejuvenation Union Minister, Sushri Uma Bharti-i osangbenertem senden ka nung tesüba küm asem tsüingda lar ministry-i inyaktetba mapatem sangdongba noksa nung angur. Kasa noksa nungsa Minister of State for Water Resources, River Development & Ganga Rejuvenation, Dr. Sanjeev Kumar Balyan-a angur.

Afghannung Kerala nungi ISzüngsemka asü

Kasargode (Kerala), June 19 (Agencies): Hombarnü Kerala Police nungi Intelligence ketdangser kati, Kerala nungi kiralongrar telok, Islamic State nung adentsü atema Afghanistan-i aoer ka süigo, ta metetdaksü.

Kerala senso, Sajeer M. Abdullah asüba osang aser pa tasü mang noksaji nisung ka indang mobile phone nung aru. IS nung adentsü atema aoer Kerala nunger nisung 21 rongnung nisung ka indang kinünger ka ket phone nung iba osangji angu, ta Kerala Police intelligence unit nungi ketdangser kati metetdaksü.

Ajisüaka Abdullah ji kodang asü mesüra kechi kuli ajanga asüar, iba osangjibo

memetetdaksü, ta ketdangserisa ashi.

Kasargode nung osangbener den jembidang ketdangserisa, taoba mapangtem nungsa kasa nisungba indang phone nung IS telok nung adener Kerala nunger asem asüba osang aser noksa arua liasü, ta metetdaksü.

"Iba dak alia osang tejangja mali. Onoki onok teinyaktüsü inyakyimbo ajak inyakogo," ta paisa shisem.

Yaküm Kerala assembly nung state Chief Minister, Pinarayi Vijayan-i, state nung tanur densema nisung 21 samaogo, parnok rongnung nisung 17 Kasargode district nungi aser Palakkad district nungi nisung pezü lir, ta metetdakja liasü.



New Delhi, June 19, 2017: Hombarnü Railways Union Minister, Suresh Prabhakar Prabhu aser Minister of State for Petroleum & Natural Gas (Independent Charge), Dharmendra Pradhan nati Rail Bhavan, New Delhi nungi video conferencing ajanga Khurda Road-Bolgarh Passenger Train, Nayagarh (Train Nos.58429/30 and 58431/32) tenzüksüba noksa nung angur. Kasa noksa nungsa (Traffic) Railway Board züingsem, Mohd Jamshed-a angur.



Adazi, June 19 :- Adazi, Latvia nung 2017, June 19-nü NATO Canada-i aniba Enhanced Forward Presence (EFP) combat battalion agizükba mapang mitkartemi linük wako amer jajaba mapang tangokba noksa nung angur.

Bangladesh anentsüh nung asür nisung 163 jungogo

Dhaka, June 19 (Agencies): Bangladesh linük nung hopta ka maneni tsünglu tesashi aru tenzüker Deobarnü anentsüh tasen aluba ajanga nisung pongu taküm samaogo aser iba linük nung hopta ka tsüngda anentsü lendong ajanga taküm samar nisung 163 jungogo.

Deobanrü anentsüh tasen aluba mapang Khagrachhari district nung tanur asem aser Moulvibazar nung tetsür ka aser lar jala asü, ta ketdangser ajanga osangbener dang ashi.

Honibar aonung tsünglu tesashiba aruba ajanga Ramgar jila nung tanur ana mejanga aliba takdang anentsüh agi anebanga tanur anaprong asü, ta Khagrachhari indang Police Superintendent, Ali Ahmed Khan-i ashi.

Iba tanur ana indang tsürabur ya takdang tanga nung mejanga liasü aser tena bo kicha meyiru, ta kasa osang ajangasa ashi.

Moulvibazar Police Superintendent, Mohammad Shahjalal-i osangbener dang ashiba agi, iba tesem nung anentsüh aludang ki jirepba nung arishi küm 40 tain tetsür ka aser lar jala arishi küm 13 tain ka asü.

Iba lendong tasen adalokba ajanga linük nung taoba Mongulbar nungi tenzüka anentsüh lendong nung taküm samar nisung 163 jungogo, aser sorkari taküm iba anentsüh lendong ya lipok otsü nung tamajungtiba, ta shiogo.

Rangamati district nung iba anentsüh lendong tuluba adalok aser Honibarnü-a nisung tasümang ana nguteta iba district nung taküm anentsüh lendong ajanga asür nisung 113 jungogo, ta Rangamati Deputy Commissioner, Manzurul Mannan-i ashi.

Tsünglu maneni aruba ajanga nüburtem asoshi lendong

tali agütsür aser iba ajanga nüburtem aika sorkari anenzüktsü asoshi yanglua aliba tesem 17 bushia arur.

"Nisung aika iba anenzükdkak tesem doktsür ao saka tanaben meyiba arur, aser nisung aikati loudspeaker amshia tanaben meyiba arutsü ashir," ta Manna-i ashi.

Tsünglu ya taoba Deobar nungi aru tenzüker saka Mongulbar aser Bodhbar nungi tesashiba aru tenzüker. Rangamati district nung tsünglu millimetre 343 aruba kuli lir.

Rangamati nung Deobarnü ghonda trok tsüngta tsünglu millimetre 68 aruba Bangladesh Meteorological Department (BMD) ajanga asadangteta lir, ta BMD indang odongtar ajanga osangbener dang ashi.

Ministry of Disaster Management ajanga lendong ajurua aliba nüburtem nem teyari balala agütsüba mapang lir.

Australia nung India nungeri online ajanga visa apply sütetstü

Melbourne, June 19 (Agencies): July 1 nungi tenzüka India lisopur temi Australia-i aotsü asoshi 'visitor visa' ya online ajanga meshitetsü, ta Australia sorkari Hombarnü sangdong. Iba ajanga India nungeri Australia indang visa ngutetsü asoshi inyakyim tezübaba akümer.

"Online ajanga linük indang 'visitor visa' atema application agütsüba ajanga India nunger asoshi visa yanglutsü maparen kanga tezübaba akümtsü," ta Australia nung Immigration & Border Protection indang Assistant Minister, Alex Hawke-i ashi.

Australia ya 'holiday destination' tajung asüba ajanga India nunger Australia indang visa aginür timba kümdagi, ta ketdangser ajangasa ashi.

2017 küm mezüing ita pezü nung Department of

Immigration & Border Protection ajanga India nunger nem Australia indang 'visitor visa' 65,000 agüja lir.

"Online ajanga 'visitor visa' atema application agütsütetba ajanga India nungeri raliwalir, shishilembar ama mesüra kinunger aser medemertem den sendaktepa alitsü asoshi Australia semdangtsü tezübaba akümtsü," ta Hawke-i ashi.

Iba sentong ya 24x7 angutsü, visa indang taa electronic payment ajanga agütsütetstü aser iba application ya online ajanga department indang ImmiAccount portal nung reprangtsü akoktsü.

"Iba application online ajanga reprangba kisüing masü saka visa renemba sülen mapang talangka meindoki India nunger tem senzüsempongtsü asoshi sentong takokba nung yanglutsütsü," ta pai-sa shisem.



Lanao Del Norte, June 19 : Philippines sorkar aser Maute telok telungbur tsüngda rara tenzüker anogo asem buba nung arishi küm 23 tain, Saliha Guinar-i asoba lar tanur Norlaila ajunger Philippines nung Lanao Del Norte kübok Baloi yimtsüing nung aliba 'evacuation center' telung nung kazüba mapang tangokba noksa nung angur.

NA GST

APPLICANT / TAX AGÜTSÜR ASÜ?

Temelaba nung tenüing zülüoktetsü asoshi nü indang mobile number Aadhaar den sendaktepa yuang

- GST system portal ajanga nü indang Aadhaar den sendaktepa aliba mobile number dangi One Time Password (OTP) yoktsü
- Nü indang Aadhaar den mobile number zülüokdaksütsü asoshi imlibilema na anasa aliba Aadhaar Kendra-i oang
- Na anasa aliba Aadhaar Kendra metetstü asoshi imlibilema 1947 nung call süang mesüra uidai.gov.in nung "locate enrolment center" nung nemang



AADHAAR AJANGA TEMELABA KÜMDAKTSÜR



Aadhaar is free of cost | Aadhaar is a life-long unique identity | AadhaarOfficial | Aadhaar | AadhaarLive | www.uidai.gov.in | Toll Free 1947

NDA-i Tir candidate...

(Tapak 1 nungi...)

Ano külen, taoba Uttar Pradesh Chief Minister aser Dalit lennir Mayawati-i Kovind shimba anema menokdaker, saka opposition-i Dalit nunger ka shim nungbo anema nokdaksü ta ashi.

"Pa Dalit nunger ka lir aser iba jagi onoki agizüker. Ajisiaka, NDA-i non-political Dalit nisung ka Tir candidate shim asübo kanga tajungba süla" ta Mayawati-isa ashi.

Ram Nath Kovind ya October 1, 1945 nü Uttar Pradesh kübok Kanpur Dehat nung aso. Pa ya Kanpur University nungi BCom aser LLB graduate ka lir.

1994-2000 aser 2000-2006 nung pa Uttar Pradesh nungi Rajya Sabha nung shim. Pa ya advocate ka lir aser Delhi nung mapa inyaker.

Kovind-i taoba mapang BJP Dalit Morcha tir (1998-2002) aser All-India Koli Samaj tir inyakogo.

Paisa, BJP national spokesperson ka ama inyak aser August 8, 2015 nü India Tir-i pa Bihar Angh inyaksü atema shim.

PELABA LEMSATEPER**ASÜR MR. MOASUNEP JAMIR (UNGER)**

Onoki teti kanga dang meima aliba asür Moasunep Jamir (Unger) shirang tenzükba mapang nungi akümüli wadang tempangba mapang tashi, shirnoki nübu, rongsen, tamang sarasadem aria bilema yaritepogo, Tsüngremi nenok ajak maneni moajang ta onok tamang sarasaden.

- Temeim Kinungtsü, Tsürabur, Adianu & Kinunger.



Tasoba : 17-08-1974
Tasüba : 12-06-2017

O Leplang

Tir Yimyim adok No 239, page no 11 nung Pangerangshi Meküli aser Tinumeren Meküli tena tenüng nung Talinungsang, Maputemjen tena 17th June 2017 nungi Imnalepsa tebou semchir kimong lumong kecha nunga metendaksür ta lemtetba sangdong agüja lir, saka iba telemtetba sangdong ya Late Imnalepsa semchirsemur kidong mapangi memetet, anungji iba sangdong ya magizüker ta sangdonger.

Dated: 19/06/2017

Mr. Maputemjen
Leobaza Kidong

Imnalepsa Semchir Meküli Village

Mr. Sentimeren

Leopaza Kidong Mapang

Imnalepsa Semchir Meküli Village

GOVERNMENT OF NAGALAND**DIRECTORATE OF SCHOOL EDUCATION**

NAGALAND : : KOHIMA

ADVERTISEMENT*Dated Kohima. the 19th June 2017.*

NO.ED/EST-1/ADVT/2015 :: In compliance to the Hon'ble High Court judgment and order dt. 25-6-2015 in WP(C) 193(K) of 2014, applications are invited specifically from the land owner candidates of G.H.S. Zuketsa under District Education Officer Phek for one (1) post of Chowkidar in the Pay Band of Rs. 4400 - 17200/- with Grade Pay of Rs. 1300/-

Note:-

- Age should not be less than 18 yrs and not more than 35yrs as on 01/01.2017.
- Applications are to be submitted on plain paper with two Pass Port photo and standard bio-data along with photo copy of education qualifications. Schedule Tribe, Indigenous inhabitant and birth certificate, land ownership certificate from concerned authority.
- Application should be addressed to Principal Director, School Education Nagaland Kohima.
- Rs. 200/- (Rupees two hundred) as processing fee should be deposited in cash or Demand Draft in favour of Principal Director of School Education, Nagaland.
- Last date for receipt of application shall be 30-06-2017.
- Incomplete documents shall be summarily rejected.
- Admit Card will be issued from 4.07.2017 to 05.07.2017

Sd/-
SMITA SARANGI, IAS
PRINCIPAL DIRECTOR

Issued by: DIPR

GOVERNMENT OF NAGALAND**OFFICE OF THE DEPUTY COMMISSIONER AND DISTRICT ELECTION OFFICER**

NAGALAND : : KOHIMA

NO.ELE/REV-SD/2017/1124

Kohima, dated the 19th June 2017

Training Plan in connection with 'Special Drive', 2017, Kohima district

1. Booth Level Officers


| Officials | Venue | Date and Time | Resource Persons |
|---|--|---|--|
| 1.All BLOs of 8 Western Angami AC. 2.BLOs of PS Nos. 22,23,25,26,32 of 12 Tseminyu 3. BLOs of PS. Nos. 14,15,16 of 14 Southern Angami I BLOs of 9 Kohima Town | DC's Conference Hall, Kohima | 22 nd June, 2017 11:00 AM | SDO(C) Sechu/ Zubca and AERO 8 Western Angami AC |
| 1.BLOs of 10 Northern Angami I 2.BLOs of PS Nos. 16,17,19,20,22, 23, 24,25,26,39 of 11 Northern Angami II BLOs of 11 Northern Angami II (except PS Nos. 16,17,19,20,22,23, 24,25,26,39) | DC's Conference Hall, Kohima | 22 nd June, 2017 1:00 PM | SDO(C) Sadar & AERO, 9 Kohima Town |
| BLOs of 12 Tseminyu (except PS Nos. 22,23,25,26,32) | DBs' Court, ADC Office Chiephobozou | 23 rd June, 2017 11:00 AM | SDO(C) Judicial & AERO, 10 Northern Angami I |
| BLOs of 14 Southern Angami I (except PS Nos. 14,15,16) | DBs' Court Jakhama, SDO (C) Jakhama Office | 23 rd June, 2017 11:00 AM | ADC Chiephobozou & AERO, 11 Northern Angami II |
| BLOs of 15 Southern Angami II | DBs' Court Jakhama, SDO (C) Jakhama Office | 23 rd June, 2017 11:00 AM | ADC Tseminyu & AERO, 12 Tseminyu |

(RAJESH SOUNDARARAJAN)
Deputy Commissioner & District Election Officer,
Kohima : Nagaland

Issued by: DIPR

1ST DEATH ANNIVERSARY

Onok mulungjang nung teti aliba Temeim 'Rev. Lano Longchar' (15th June 1935 - 20th June 2016)



Tanü anogo ya temenungratsü anogo,
Tanü anogo ya,
Na onok nungi pilaa aoba anogo.
Tanü anogo ya,
Asen teyangluri Pa kidangi ajaba anogo.
Au, küm ka jungoko
Nai kanga meimba, asen Kotaker Tebu den
Alitsü atema aoba anogo.
Tema nung mesayuaka,
Ola madoki....
Anogoshia onoki na bilemer.
Na oadokba ajanga onok süngmangseta;
Onok ola madokteti yutsü.
Asen teyanglur dang "kechiba?" ta koda masüngdang.
Shirnoki na meimer, parnoki dang metet:
Na maliiba ajanga koda tazüngla tulu adok,
Na medeni lia aotsü koda tasak.
Temeim koba
Onok dang nai sayu...
Iba temeim agi dang tanü onok jajar.
Mapangji taneptsür ta jembir,
Saka mapangtem süia aodang
Nai onok toktsür ogo ta agizüksü
Asangsang nungbo kanga saaka agir.
Nai onok temulung raksaa yutsü.
Mapangi dang aneptsütsü.
Saka ne temeim aser mapa tajung,
Koba onok mulungjang nung,
Nai teti asoshi ajenokatoktsü,
Shingaia aidoktsü makok.
- Temeim Kinungtsü, Chirnur aser Kinüngerem.

OFFICE OF THE**WAMEKEN SENSOTSÜR UNION**

TZÜDIKONG TOWN, P.O. PAPER NAGAR - 798623
DIST.MOKOKCHUNG : NAGALAND

TENÜNGSANG AGÜTSÜR

Watsü S.Arenla, Wb. John Jamir aser Wt. Süpongrela jala Nagaland University küpok Deptt. of Botany nung Topic "Studies on Ectomycorrhizal application in reforestation Practices" nung ajemdaker Ph.D. jenjang nguteta, Sensotsür nem tenüng tajung bener arutsü nung la dang kanga pelar aser tetushi agütsür.

Iba den külemi 2017 küm Kaketshirtem shirnokisa pei bushiba jenjang balala nung takok tajung ngutetogo, nenok ajak nem tetushi tulu agütsür.

Sd/-
T. Atula Jamir
President



Sd/-
P. Anungla
Secretary

OFFICE OF THE**MONGSENYIMTI SENSO MUNG DANG**

P.O. CHUCHUYIMLANG- 798614
MOKOKCHUNG; NAGALAND

TAKOTET KONANG TETUSHI

Ajemalu aser taremsük jakla tener Teyanglur akümtsübu Pa sentong nung jajaba temoatsü, takotet meimchirtemi dang ajangzükteba takok Dr. Wataro Longkumer-i (Wb. I. Sungit Longkumer aser Wt. Sosangpenla jala) Psychology nung Doctor of Philosophy, Christ University, Bengaluru nung renema züngzükteba takok tulu asoshi Mongsenyimti Senso sanger ajaki joka tua pelaba takoker nem ayimoktsür.

Takotet sensotsür taküm aser sempettem Tsüngrem-i maneni maoja tebenja lima teyanglushiba nükmen sayuteter taküm ka kümtettsü sensosanger ajak tamang sarasadem.

Sd/-
C. Lima Ozükum
President, MSM

Sd/-
Imotong
Secretary, MSM

Nagaland tetsür team-i 4-0 agi AP akok

Kohima, June 19 (TYO): Assam Rifles, CAPF, Talent Hunt-i ayongzüka tanabuba North East OORJA football tournament Shillong nung tasayadak lir aser iba asayamong nung Nagaland tetsür team-i 4-0 agi Arunachal Pradesh tetsür team masak takok nguogo. Iba asaya nung Neichutuo-u-i goal ana idaktsü aser Shanki konyak o

Mhasikhonuo nati goal kaka idaktsü.

Nagaland team manager ya Kevilebei Paphino lir aser team coach ji Bijm Konyak lir. Naga tsürtem taruba asaya Brehostibarnü Manipur tetsür team den asayatsü. Iba asayamong final ya June 24 nü asayatsü.

Vijender Singh aser Zulpikar na tsüngteptsü

Mumbai, June 19 (Agencies): India nunger boxing asayar Vijender Singh taruba professional bout August ita Mumbai nung China nunger boxer Zulpikar Maimaitiali den tsüngteptsü.

WBO Asia Pacific Super middleweight champion Vijender Singh aser WBO

Oriental Super middleweight champion Zulpikar Maimaitiali na tsüngteptsü aliba ya double title asaya ka asütsü.

Maimaitiali-i professional bout 8 tashi nung round 24 asayaogo. Arishi küm 22 tain China nunger tsüngteper ya tang tashi nung khen danga tamakok ngua mali, pa 8 ben

tsüngteptsü nung knockout 5 ben tashi agütsüogo aser ka draw süa lir.

Vigender tang tashi asayaa aruba nung 8 ben koka lir aser item rongnung 7 bo knock out ajanga akok aser ka tetendanger ajaki pa nem point timba agüja akok. Pai round 30 tashi asayaogo



International Day of

YOGA

21st June 2017

"Yoga ajanga tekolok aser temang ka kumdaaktür: tebilemba aser inyaksangshi azüoker aser temolung süa bilemer: nisung aser tzu-mopung tsüngda tesendaktep alir: temang anema lidaktsür."

-Narendra Modi, Ato Kelonser



- 2017, June 21 anogo nung anepdang 7:00 ako aser 8:00 ako tsüngta na anasa aliba Yoga center nung Common Yoga Protocol iang
- 2017, June 21 anogo anepdang 7:00 ako nungi 7:45 ako tashi Ramabai Ambedkar Maidan, Lucknow nung nisung 51,000 dak tali Yoga practice asütsü
- Iba anogomong ya alima ajunga nung amongtsü
- State, District, Block & Panchayat jenjang, School, College aser Organization ajunga nung Yoga practice asütsü

Meditate, Relax and Rejuvenate Live Life to its full potential



<http://yogadiary.gov.in>, <http://yoga.gov.in>